

**2013–2017-YILLAR DAVRIDA SUG`ORILADIGAN  
YERLARNING MELIORATIV HOLATINI YANADA  
YAXSHILASH VA SUV RESURSLARIDAN OQILONA  
FOYDALANISH CHORA-TADBIRLARI TO`G`RISIDA  
O`ZBEKISTON RESPUBLIKASI  
PREZIDENTINING  
QARORI  
19.04.2013 y.  
N PQ-1958**

Sug`oriladigan yerlarning meliorativ holatini yanada yaxshilash, melioratsiya va irrigatsiya ob`yektlari tarmog`ini rivojlantirish, suv resurslaridan oqilona va tejamkorlik bilan foydalanish, buning asosida qishloq xo`jaligi ishlab chiqarishining barqaror ishlashini ta`minlash, yerlarning unumdorligini oshirish hamda qishloq xo`jaligi ekinlari hosildorligini ko`paytirish maqsadida:

1. O`zbekiston Respublikasi Qishloq va suv xo`jaligi vazirligi, Iqtisodiyot vazirligi, Moliya vazirligi, "Yergeodezkadastr" davlat qo`mitasi tomonidan Qoraqalpog`iston Respublikasi Vazirlar Kengashi va viloyatlar hokimliklari bilan birgalikda ishlab chiqilgan quyidagilarni o`z ichiga olgan 2013–2017-yillar davrida sug`oriladigan yerlarning meliorativ holatini yaxshilash va suv resurslaridan oqilona foydalanish Davlat dasturi ma`qullansin:

2013–2017-yillar davrida sug`oriladigan yerlarning meliorativ holatini yaxshilash va suv resurslaridan oqilona foydalanishni ta`minlash bo`yicha chora-tadbirlar kompleksi 1-ilovaga\* muvofiq;

O`zbekiston Respublikasi Moliya vazirligi huzuridagi sug`oriladigan yerlarning meliorativ holatini yaxshilash jamg`armasi mablag`lari hisobidan moliyalashtiriladigan 2013–2017-yillar davrida sug`oriladigan yerlarni meliorativ yaxshilash bo`yicha ishlarning prognoz parametrlari 2-ilovaga\* muvofiq;

O`zbekiston Respublikasi Davlat byudjetidan markazlashtirilgan investitsiyalar hisobiga moliyalashtiriladigan 2013–2017-yillar davrida irrigatsiya ob`yektlarini qurish va rekonstruksiya qilish prognoz parametrlari 3-ilovaga\* muvofiq;

suv iste`molchilari va fermer xo`jaliklari uyushmalarining mablag`lari hisobidan amalga oshiriladigan 2013–2017-yillar davrida sug`orish tarmoqlarini ta`mirlash va tiklash prognoz parametrlari 4-ilovaga\* muvofiq;

qishloq xo`jaligi tovar ishlab chiqaruvchilarining kredit mablag`lari va o`z mablag`lari hisobidan 2013–2017-yillar davrida tomchilatib sug`orish tizimini joriy etishning prognoz parametrlari 5-ilovaga\* muvofiq.

2. Qoraqalpog`iston Respublikasi Vazirlar Kengashi va viloyatlar hokimliklari bir oy muddatda 2013–2017-yillar davrida sug`oriladigan yerlarning meliorativ holatini yaxshilash va suv resurslaridan oqilona

foydalanishning hududiy dasturlarini ishlab chiqsin hamda O`zbekiston Respublikasi Qishloq va suv xo`jaligi vazirligi, Moliya vazirligi huzuridagi Sug`oriladigan yerlarning meliorativ holatini yaxshilash jamg`armasini boshqarish departamenti bilan kelishilgan holda tasdiqlasin.

O`zbekiston Respublikasi Qishloq va suv xo`jaligi vazirligi, boshqa ijrochi vazirliklar hamda idoralar rahbarlari, Qoraqalpog`iston Respublikasi Vazirlar Kengashi Raisi, viloyatlar va tumanlar hokimlari zimmasiga mazkur qaror bilan tasdiqlangan sug`oriladigan yerlarning meliorativ holatini yaxshilash va suv resurslaridan oqilona foydalanishning Davlat dasturi hamda hududiy dasturlarini sifatli va o`z vaqtida amalga oshirish yuzasidan shaxsiy javobgarlik yuklansin.

3. O`zbekiston Respublikasi Moliya vazirligi, Iqtisodiyot vazirligi O`zbekiston Respublikasining Davlat byudjeti va Investitsiya dasturining har yillik loyihalarini shakllantirishda 2013–2017-yillar davrida sug`oriladigan yerlarning meliorativ holatini yaxshilash va suv resurslaridan oqilona foydalanishning Davlat dasturiga kiritilgan chora-tadbirlarni amalga oshirish uchun belgilangan tartibda mablag`lar ajratishni nazarda tutsin.

4. O`zbekiston Respublikasi Qishloq va suv xo`jaligi vazirligining Qurilayotgan korxonalar birlashgan direksiyalarining vakolatlari va vazifalarini kengaytirish zarur deb hisoblansin va ularning zimmasiga davlat kapital qo`yilmalari hisobidan amalga oshiriladigan irrigatsiya ob`yektlarini qurish va rekonstruksiya qilish, tumanlararo va xo`jaliklararo kollektorlar hamda boshqa melioratsiya ob`yektlarini ta`mirlash va tiklash bo`yicha buyurtmachi vazifalari yuklansin.

O`zbekiston Respublikasi Moliya vazirligi Qoraqalpog`iston Respublikasi Vazirlar Kengashi, viloyatlar hokimliklari bilan birgalikda ikki oy muddatda ushbu o`zgarishlar amalga oshirilishini ta`minlasin, vakolatlari va vazifalarni aniq belgilagan holda Qurilayotgan korxonalar birlashgan direksiyasi to`g`risidagi namunaviy nizomni o`rnatilgan tartibda tasdiqlasin, ularga yuklatilgan vazifalar va mintaqa yerlarining meliorativ holatini hisobga olgan holda uning tuzilmasi va xodimlar sonini tartibga solsin.

5. Shunday tartib o`rnatilsinki, unga muvofiq 2013-yilning 1-mayidan boshlab meva-sabzavotchilik, uzumchilik va poliz mahsulotlarini yetishtirish uchun yer uchastkalarini berish bo`yicha ijro etuvchi hokimiyat organlari bilan qishloq xo`jalik tovar ishlab chiqaruvchilari o`rtasida tuziladigan ijara shartnomalarida, qoida tariqasida, qishloq xo`jaligi tovar ishlab chiqaruvchilari tomonidan tomchilatib sug`orish tizimini va suv tejaydigan boshqa sug`orish texnologiyalarini joriy etish bo`yicha investitsiya majburiyatlarini olish nazarda tutiladi.

6. O`zbekiston Respublikasi Moliya vazirligi, Qishloq va suv xo`jaligi vazirligi bir oy muddatda 2013–2014-yillarda, tajriba tariqasida, qishloq

xo`jaligi tovar ishlab chiqaruvchilari tomonidan tomchilatib sug`orish tizimi joriy etilishini rag`batlantirish mexanizmi bo`yicha Vazirlar Mahkamasiga takliflar kiritilsin.

7. O`zbekiston Respublikasi Moliya vazirligi huzuridagi Sug`oriladigan yerlarning meliorativ holatini yaxshilash jamg`armasini boshqarish departamenti boshqaruv xodimlarining umumiy cheklangan soni 38 nafardan iborat bo`lgan yangilangan tuzilmasi 6-ilovaga\* muvofiq tasdiqlansin, uning tarkibida melioratsiya ishlarining sifati ustidan joylarda texnik nazorat o`rnatish, ularning belgilangan normativlar va loyiha parametrlariga muvofiqligi, shuningdek bajarilgan ishlarining hajmlarini nazorat tartibida o`lchashni ta`minlaydigan melioratsiya ishlarini texnik kuzatib borish mintaqaviy guruhlarini tashkil etish nazarda tutilsin.

8. O`zbekiston Respublikasi Moliya vazirligi huzuridagi Sug`oriladigan yerlarning meliorativ holatini yaxshilash jamg`armasi Kengashi (Sh.M. Mirziyoyev):

sug`oriladigan yerlarni meliorativ yaxshilash va suvni tejaydigan texnologiyalarni joriy etish bo`yicha loyihalarning har yilgi ro`yxati shakllantirilishi va tasdiqlanishini, zarur hollarda, mazkur qaror bilan tasdiqlangan Davlat dasturida nazarda tutilgan umumiy parametrlar doirasida ularga yil davomida o`zgartish va qo`shimchalar kiritilishini;

Davlat dasturining tasdiqlangan parametrlari amalga oshirilishi to`g`risida davlat va xo`jalik boshqaruvi organlari, mahalliy ijro etuvchi hokimiyat hamda boshqa tashkilotlar rahbarlarining hisobotlarini har chorakda tinglagan holda, Davlat dasturida nazarda tutilgan chora-tadbirlarni amalda ro`yobga chiqarish bo`yicha faoliyati samarali monitoring qilinishi va muvofiqlashtirilishini ta`minlasin.

9. O`zbekiston Respublikasi Prezidentining "O`zbekiston Respublikasi Moliya vazirligi huzuridagi Sug`oriladigan yerlarning meliorativ holatini yaxshilash jamg`armasi faoliyatini tashkil etish to`g`risida" 2007-yil 31-oktabrdagi PQ-718-sonli qaroriga o`zgartish va qo`shimchalar 7-ilovaga muvofiq kiritilsin.

10. O`zbekiston Respublikasi Qishloq va suv xo`jaligi vazirligi, Moliya vazirligi, Adliya vazirligi manfaatdor vazirliklar va idoralar bilan birgalikda bir oy muddatda qonun hujjatlariga mazkur qarordan kelib chiqadigan o`zgartish va qo`shimchalar to`g`risida Vazirlar Mahkamasiga takliflar kiritilsin.

11. Ushbu qarorning ijrosini nazorat qilish O`zbekiston Respublikasining Bosh vaziri Sh.M. Mirziyoyev zimmasiga yuklansin.

**O`zbekiston Respublikasi Prezidenti**

**I. Karimov**

***\*) 1-6-ilovalar rus tilidagi matnda berilgan.***

O`zbekiston Respublikasi Prezidentining  
"O`zbekiston Respublikasi Moliya vazirligi huzuridagi  
Sug`oriladigan yerlarning meliorativ holatini yaxshilash  
jamg`armasi faoliyatini tashkil etish to`g`risida" 2007-yil  
31-oktabrdagi PQ-718-sonli qaroriga kiritiladigan  
o`zgartish va qo`shimchalar

1. 1-bandining uchinchi xatboshi va qarorning 1-ilovasi chiqarib tashlansin.

3. 2-ilovasida:

a) ikkinchi xatboshidagi "Bosh vazirining o`rinbosari" so`zlari "Bosh vazirining birinchi o`rinbosari" so`zlari bilan almashtirilsin;

b) o`n to`qqizinchi xatboshidagi "SANIIRI IICHB bosh direktori" so`zlari "Toshkent irrigatsiya va melioratsiya instituti qoshidagi Irrigatsiya va suv muammolari ilmiy-tadqiqot instituti direktori" so`zlari bilan almashtirilsin.

4. 3-ilovada:

a) 5-bandi:

ikkinchi xatboshi quyidagi tahrirda bayon etilsin:

"sug`oriladigan yerlarning meliorativ holatini yaxshilash davlat dasturlari doirasida magistral (viloyatlararo), tumanlararo, xo`jaliklararo ochiq kollektorlar va ulardagi inshootlarni, yopiq gorizonta drenaj shoxobchalarini, vertikal drenaj quduqlarini, meliorativ nasos stansiyalari hamda kuzatish tarmoqlarini qurish, rekonstruksiya qilish, ta`mirlash va tozalash ishlarini o`tkazishga";

uchinchi xatboshidagi "davlat dasturiga" so`zlari "davlat dasturlariga" so`zlari bilan almashtirilsin.

b) 6-bandidagi "H. Sulaymonova ko`chasi" so`zlari "Istiqlol ko`chasi" so`zlari bilan almashtirilsin.

v) 8-bandi quyidagi tahrirda bayon etilsin:

"8. Jamg`arma o`z zimmasiga yuklatilgan vazifalardan kelib chiqqan holda quyidagi funksiyalarni bajaradi:

konsolidatsiya qilingan Davlat byudjeti loyihasiga kiritish uchun daromadlar va xarajatlarning har yilgi balanslari loyihalarini ishlab chiqib, belgilangan tartibda va muddatlarda O`zbekiston Respublikasi Moliya vazirligiga taqdim etadi;

Jamg`arma bo`yicha kelgusi yilning har bir choraklariga taqsimlangan xarajatlarining tasdiqlangan parametrini O`zbekiston Respublikasi Qishloq va suv xo`jaligi vazirligiga, Qoraqalpog`iston Respublikasi Vazirlar Kengashiga va viloyat hokimliklariga yetkazadi;

Jamg`arma daromadlari va xarajatlari hisobini yuritadi;

meliorativ ob`yektlarini qurish va rekonstruksiya qilish uchun loyihalash hujjatlarini ishlab chiqish, investitsiya loyihalarini, jumladan, xorijiy investitsiyalarni jalb etgan holda amalga oshirish yuzasidan texnik topshiriqlarni beradi va tasdiqlaydi;

meliorativ ob`yektlarni loyihalash, qurilish, rekonstruksiya qilish, shuningdek magistral kollektorlarni ta`mirlash va tiklash bo`yicha loyihalash va tender hujjatlarini belgilangan tartibda ekspertizadan o`tkazishni tashkil etadi;

meliorativ ob`yektlarni qurish va rekonstruksiya qilish, shuningdek magistral kollektorlarni ta`mirlash va tiklash bo`yicha aniq manzilli ro`yxatlarni tuzadi va belgilangan tartibda tegishli idoralarga tasdiqlash uchun kiritadi;

meliorativ ob`yektlarni rekonstruksiya qilish va qurish bo`yicha loyiha-qidiruv ishlari, shuningdek tegishli ilmiy-tadqiqot ishlarining aniq manzilli ro`yxatlarini belgilangan tartibda tasdiqlaydi;

O`zbekiston Respublikasi Qishloq va suv xo`jaligi vazirligining Qurilayotgan korxonalar birlashgan direksiyalari (keyingi o`rinlarda - QKBD) taqdimnomasi bo`yicha meliorativ ob`yektlarda ta`mirlash-tiklash ishlarining xarajatlar smetasi va manzili dasturlarini kelishib oladi;

QKBD taqdimnomasi bo`yicha avariya-tiklash ishlari uchun, shuningdek meliorativ ob`yektlarni ko`zda tutilmagan holda ta`mirlash va tiklash ishlari uchun zaxira xarajatlari smetalarini tasdiqlaydi;

meliorativ ob`yektlarni rekonstruksiya qilish va qurish, magistral (viloyatlararo) kollektorlarni ta`mirlash-tiklash bo`yicha buyurtmachi vazifasini bajaradi;

QKBD buyurtmachi bo`lgan meliorativ ob`yektlarning ta`mirlash-tiklash ishlarini moliyalashtiradi, shuningdek qaytarib berish sharti bilan melioratsiya texnikasi, mashina va mexanizmlarni sotib oladi;

tumanlararo va xo`jaliklararo meliorativ ob`yektlarda ta`mirlash-tiklash, loyiha-qidiruv ishlarini o`tkazish bo`yicha QKBD buyurtmachi vazifasini bajarishi ustidan nazorat olib boradi;

meliorativ ob`yektlarni rekonstruksiya qilish va qurish, shuningdek magistral kollektorlarda ta`mirlash-tiklash ishlarini amalga oshirish bo`yicha tender (tanlov) savdolarini belgilangan tartibda o`tkazadi, tanlov savdolari g`oliblari bilan belgilangan tartibda shartnomalar tuzadi;

tumanlararo va xo'jaliklararo meliorativ ob'yektlarda ta'mirlash-tiklash ishlari bo'yicha QKBD tomonidan tashkil etiladigan tender (tanlov) savdolarida belgilangan tartibda qatnashadi;

meliorativ ob'yektlarni rekonstruksiya qilish va qurish, ta'mirlash va tiklash, melioratsiya texnikasini sotib olish ustidan moliyaviy nazoratni amalga oshiradi;

magistral (viloyatlararo) meliorativ ob'yektlarni rekonstruksiya qilish, qurish va ta'mirlash-tiklash ishlari ustidan texnik nazoratni amalga oshiradi, shuningdek ularning belgilangan tartibda qabul qilib olishlarini ta'minlaydi;

tumanlararo va xo'jaliklararo meliorativ ob'yektlarni ta'mirlash va tiklash, shuningdek ularni qabul qilib olish ishlari ustidan texnik nazoratni amalga oshirishda qatnashadi;

Jamg'arma mablag'larining maqsadli va samarali sarflanishi ustidan belgilangan tartibda nazoratni amalga oshiradi;

Jamg'arma mablag'laridan maqsadli va samarali foydalanilishi masalalari bo'yicha nazorat o'lchovlarini, shuningdek korxonalar va tashkilotlar faoliyatini hujjatlar asosida tekshirib, taftishlarni muntazam ravishda o'tkazib turadi;

Jamg'arma mablag'laridan foydalanish bo'yicha tekshirishlarda aniqlangan qonun buzilishlari va kamchiliklarni bartaraf etish, shuningdek qonun hujjatlarida nazarda tutilgan tegishli sanksiyalarni o'rnatilgan tartibda belgilash bo'yicha takliflar kiritadi;

Jamg'arma daromadlari va xarajatlari bo'yicha normativ-huquqiy hujjatlar loyihalarini ishlab chiqadi va tegishli organlarga tasdiqlash uchun kiritadi;

aniq manzilli ro'yxatlarga kiritilgan meliorativ ob'yektlarda bajarilgan ishlarni belgilangan tartibda moliyalashtiradi";

g) 9-band quyidagi mazmunda yettinchi band bilan to'ldirilsin:

"O'zmeliomashlizing" Davlat lizing kompaniyasidan - melioratsiya texnikasi, mashina va mexanizmlarni xarid qilishga ajratilgan mablag'lardan maqsadli foydalanish bo'yicha ma'lumotlarni";

yettinchi-sakkizinchi xatboshilar tegishli ravishda sakkizinchi-to'qqizinchi xatboshilar deb hisoblansin;

d) 12-bandda:

beshinci xatboshidagi "melioratsiya ekspeditsiyalari" so'zlari "Qurilayotgan korxonalar birlashgan direksiyalari", boshqa manfaatdor vazirliklar va idoralar" so'zlari bilan almashtirilsin;

quyidagi mazmunda oltinchi xatboshi bilan to'ldirilsin;

"investitsiya dasturiga kiritilgan ob'yektlarning ustuvorligi va loyiha-smeta hujjatlarining tayyorligidan kelib chiqqan holda, tasdiqlangan limitlar doirasida, irrigatsiya-melioratsiya ob'yektlarining ro'yxati va prognoz parametrlariga o'zgartishlar kiritadi";

oltinchi-yettinchi xatboshilar yettinchi-sakkizinchi xatboshilar deb hisoblansin;

e) 13-bandning ikkinchi xatboshidagi "Jamg`arma mablag`lari" so`zlari "O`zmeliomashlizing" DLK tomonidan berilgan qarz mablag`lari bo`yicha marja tarzida olinadigan "Jamg`arma daromadlari" so`zlari bilan almashtirilsin.

"O`zbekiston Respublikasi qonun hujjatlari to`plami",  
2013 yil 29 aprel`, 17-son, 223-modda